

Teatro de guiñol

Teño un teatro xeitoso.
Máis xeitoso non o hai!
Teño un teatro pequeno,
agasallo de meu pai.

É un teatro sinxelo,
un teatriño moi bon
e tan práctico que cabe
no máis pequeno rincón.

Teño bonecos de goma,
de cartón e de papel.
Chámanse Barriga Verde,
Bululú e Tía Isabel...!

E teño unha cachiporra
que mete unhos estacazos
tan feroces e potentes
que semellan canonazos!

O meu teatro é un mundo.
Os personaxes que invento
teñen vida, fantasía
e doulles coñecemento...!

Eu represento comedias,
dramiñas, dramas e dramóns,
cos meus bonecos que rin,
cos meus bonecos choróns...!